

Ilanngussaq 2, AIS 2014-p aappassaaneerneqarneranut atatillugu oqaasertaliussanut aamma oqaasertaliussanut nassuiaatinut allannguutissatut siunnersuut:

Naalackersuisut - Suliassaqarfik 10 – 89

Nr. 121.

Suliassaqarfimmut 10 - 89-imut oqaasertaliussat

Suliassaqarfimmut 10 - 89-imut oqaasertaliussat nr. 4 peeqquneqarput.

Nr. 122.

Suliassaqarfimmut 10 - 89-imut oqaasertaliussat

Nr. 5.

Immikkoortup uuma peerneqarnissaa qinnutigineqarpoq:
"suliassaqarfik 00"

Uuminngalu taarserlugu:
"suliassaqarfik 01 Inatsisartut Siulittaasoqarfia"

Aningaasaqarnermut Nunamullu Namminermut Naalackersuisoq - Suliassaqarfik 20

Nr. 123.

Konto pingaarneq 20.11.50-imut, Ingerlatsinermut sillimmatit, oqaasertaliussat

Tulingguullutik allanneqartut ilannguteqquneqarput:

"Nr. 2:

Naalackersuisut aningaasanik kontumiit pingaarnermiit uanngaanniit konto pingaarneq 24.01.01-imut, Akileraartarnermut Aqutsisoqarfik, 64.01.01-imut Inuussutissarsiornermut, Aatsitassanut Suliffeqarnermullu Naalackersuisoqarfik, aamma 64.01.03-mut, Geologiimmut Immikkoortortaarfik, 4. mio. kr. tikillugu nuussinissamut piginnaatinneqarput. Ujaqqanik pinnersaatiliornermut immikkoortortamik pilersitsinermut atatillugu pilersitsinermut ingerlatsinermullu aningaasartuutaasunut naapertuuttunik aningaasanik nuussisoqarsinnaavoq. Ujaqqanik pinnersaatiliornermut immikkoortortamik pilersitsinissami piumasarineqarpoq rubininik atuinissamut akuersissutip qinnutigineqartup akuerineqarluni nalunaarutigineqarnissaa. Akileraartarnermut Aningaasaqarnermullu Ataatasimiititaliaq ilisimatinneqassaaq oqaasertaliussat atorneqassapata.

Konto pingaarneq 20.11.50-imut, Ingerlatsinermut sillimmatit, oqaasertaliussanut nassuiaatit

Tullinguullutik allanneqartut ilannguteqquneqarput:

"Nr. 2.

Rubiniq Nunatsinneersunik tuniniaaneq aallartissagaluarpat allaffissornikkut immikkoortortamik pilersitsinissaq oqaasertaliussatigut periarfissinneqarpoq. Atuinissamut akuersissut 2014-imut aningaasanut inatsisissap akuersissutigineqarnissaa peqatigalugu suliarineqarpoq. Taamaammat immikkoortortamut tassunga aningaasartuutitut missingersuusiussalluni pissusissamisuuq. Taamaattorli atuinissamut akuersissut qinnuteqartumut akuerineqarluni nalunaarutigineqartussaagunarmat aningaasartuutit aningaasanut inatsimmi aningaasartuutaajunnartussatut ilannguttariaqarput.

Immikkoortortaq pilersinneqassagaluarpat nunatta karsiani isertitassat annertusinissaannik kinguneqarnissaa aamma malugeqquneqarpoq, isertitallu ujaqqanik pinnersaatiliorfimmuut aningaasartuutaasunik qaangiinissaat ilimanarsinnaalluni. Immikkoortortaq taamaallaat pilersinneqassaaq aningaasaqarnikkut missingersuutini pissarsiassat immikkoortortap ingerlannerani aningaasartuutaasunit annertunerussappata.

Oqaasertaliussat nutaajupput."

Peqqissutsimut Attaveqarnermullu Naalakkersuisoq – Suliassaqarfik 34-35

Nr. 124.

Konto pingaarneq 35.04.02-mut, Mittarfeqarfiit oqaasertaliussat nr. 3-mut

Tullinguullutik allanneqartut peerniarneqarput:

"atortunik anginernik taarsersuinermit aningaasalersuinermit aningaasartuutit"

Konto pingaarneq 35.04.02-mut, Mittarfeqarfiit, oqaasertaliussamut nassuiaatit

Nr. 2.

Tullinguullutik allanneqartut peerniarneqarput:

"tunisassiornermut siaruarterinermullu atortunut"

Ukuninngalu taarsarlugit

"ingerlatsinermut"

Nr. 3.

Tullinguullutik allanneqartut peerniarneqarput:

"atortussanut anginernut"

kiisalu

ukiumut killiliussat 15 mio. kr.-init iluanni ikuallattoqarneranut annaassiniarnernullu atortut, aputaajaatit, orsiinermut angallatit aammalu attaveqatigiinnermi sumiissusersiornermilu atortut iluanni atortunik anginernik taarsersuinnermi aningaasalersuinissamut Naalakkersuisut iluarsisinnaalerput. Akigitinneqartunik qaffaanerit qaammatit pingasut ataannagit kalerriutigineqassapput, taamaaliornikkut timmisartuutileqatigiit takornariaqarnermillu suliallit akinut qaffanneqartunut naleqqussarnissaminnut periarfissaqarnissaat qulakkeerneqassammat.

Ineqarnermut, Pinngortitamut Avatangiisinullu Naalakkersuisoq - Suliassaqarfiit 70-73

Nr. 125.

Konto pingarneq 73.94.02-mut, Nukissiorfiit, oqaasertaliussanut

Nr. 2:

Tullinguullutik allanneqartut immikkoortut kingullit tulliattut ilanngunniarneqarput:

"Taakku saniatigut Naalakkersuisut innaallagissamut imermullu atuisut minnerpaaffittut nalinginnaasumik akiliutigisartagaannik 2014-imi kiassarnermut akit appartinnerisa nalingannut naapertuuttunik akiliisitsinissamut piginnaatinneqarput.

Tullinguullutik allanneqartut peerniarneqarput:

Naalakkersuisut aamma 2014-imi innaallagissamut imermullu akit qaffasinnerpaafianniit appaanissap tapiissuteqarfiginissaanut piginnaatinneqarput.

Konto pingarneq 73.94.02-mut, Nukissiorfiit, oqaasertaliussanut nassuiaatinut

Nr. 2.

Tullinguullutik allanneqartut immikkoortut kingullertut ilanngunniarneqarput:

"Naalakkersuisut naatsorsueriaaseq atuuttoq naapertorlugu kiassarnermut akinut 5 pct.-imik appaasoqassasoq aalajangerput. Appaanermi kiassarnermik atuisut katillugit 10 mio. kr.-it missaannik sipaaruteqassapput. Appaanermut pissutaavoq

avatangiisinut innarliingitsumik ungasianit kiassanerup uuliamik kiassanermit unammillersinnaanissaa.

Kiassarnermulli akit appartinneqarnerisigut ungasianit kiassanermit tunisanit sinneqartoorutit innaallagiamut imermullu akigititat, kiisalu aalisakkerivinni akigititat immikkut appasitsinneqartut annerpaaffianniiginnartinneqarnissaannut atorneqartartut annikillissapput. Taamaattumik taakku atuutsiinnarniarlugit pilersuinermilu aningaasaqarnermi oqimaaqatigiisitsineq attatiinnarniarlugu Nukissiorfinni akit ineriartornerisa saniatigut atuisartunut nalinginnaasunut innaallagiamut imermullu akigititat appasinnerpaaffissaasa qaffannissaannut Naalakkersuisut piginnaatinneqarput.

Oqaasertaliussat atuisartunut nalinginnaasunut innaallagiamut imermullu akigititat minnerpaaffissaannut kiisalu aalisakkerivinni innaallagiamut imermullu akigititanut toqqaannanngitsumik kinguneqassapput.

Oqaasertaliussat AI 2013-imit ingerlateqqinneqarput taamaattorli ataani allaaserineqartutut ataasiakkaanik allannguuteqartillugit.”